

Tonngaande nafoore ngam juuldo keso.

Kudol.

Muhammed Assahri.

1441-2020.

En fuddorii Innde Alla, Huubudo yurmeende, Heerordo
yurmeende.

Hunorde

Pellet denndaangal jettooje ngoodani ko Alla, heden njetta
Mbo heden mballinora Mbo, heden dabbira Mbo yaafaawuya,
heden moolo e Alla e bone pittaali men e bone golle men.
Mbo Alla feewni, o alah majjinoowo,mbo Alla majjini,alah fof
baawdo mbo feewnude. Mido seedoo wonnde reweteedo alaa
ko wanaa Alla tun, O alaa kafidiido, mido seedoo kadi wonnde
Muhammadu ko jeyaad Makko e Nulaado Makko.

Si dum feyyii:

Alla teddinii aade O burnibe ko heewi e tagoore Makko, Alla
daali: Min teddinii biy aadama. Al Israa*i 7O. O beydi e ngol
teddingol O neli burdo Annabaabe Muhamadu-yo o his- O
tellini e mabbe burnde e defte Makko he ndeen wonu quraana
teddudo o,O welanaabe burdo moyyude e diineeqi,ko on
woni Islaam, Alla daali: On ngoniina te on ceeraani wonde
moftere burnde yaltinaande e yimbe, hodon yamira ko laba
hodon hada ko boni hodon goondina Alla si yimbe joman en
defte goondaniino ma duum buratna modyyude e mum en,
ina e mum en goondube kono ko buri heewde mabbe ko
faasiqeebe. Aali Imraan 110. Ina jeyaa e neemaaji Alla njani
wonande aade: Okkude mbo peewal faade e islaam, e tabitde

e hembo, e gollirde sariyaaji mammbo, nde deftere tokosere fotde, mawnunde e loowdi mayre peewoowo kesa na annda e hende ko o waawataana majjude e fuddorde islaam, tawa ko e mbaadi ndabbinaandi maale islaam mawdo o, haa si o faamii nde o gollarinde, o fokkita e ndaaroyde ganndal e beydude anndude Joomiiko, e Annabi Makko muhamadu- yo o his- e diine makko islaam, o rewira Alla ganndal tigi, bernde makko deeyā iimaan makko beydoro badaade Alla dewal e rewde sunna Muhamadu-yo o his-.

Alla woni ko torii mi nde O barkinta kala konngol e ndee deftere, O nafrande islaam e juulbe, nde wona ngam Alla teddudo, O wada njobdi mayre wonande juulbe wuurbé e maaybe fof.

Yo Alla juul e Nulaado men Muhamadu e mbootu makko e sahabaabe makko fof.

Muhamadu Ibnu Shiiba Assahrii.

2-11-1441.

Alla woni joom am.

Alla daali: Eehey mon yimbe ndewee Joom mon takdo on, e takdo adiibe mon, ngam kulon. Simoore Bagara 21.II

Alla daali: Ko kanko woni Alla dewteedo alah mbo wonah Kanko. Al Hasri.

Alla daali: O alah jeradiijo, ko Kanko woni nanoowo ji*ooo. Assuura 11.

Ko Alla woni joomi am e joom kala huunde, takdo, garsaqinoowo toppittoodo kala huunde.

Ko Kanko tan haandi e reweede, Joomiraado goddo alah gaa e Makko.

woodanii Alla sifaaji e inde toowde, de O tabitanii Hoore
Makko Nelaado mum kadi tabitini de, de njottiima haattirde
timmal e labeede, O alah nando ko Kanko woni Nanoowo
Ji*owo.

Ina jeyaa e inde Makko burde moyfude:
Garsaginoowo,Jurmotoodo, Kattando,Laamdo,Nanoowo,
Ji*owo, Wakiil,Tagdo,Newiido,Jondo,Jaafatoodo.

Ko Alla woni defiido arsukaaji jiyaabe di berde e balli mum
ndarii e dow hedi.

Jurmotoodo: Jom yurmeende yaacnde mawnde, nde
ngannduda na fiftii kala huunde.

Kattando: Jom kattane timmude de ronkere e ngaameela
falataaka.

Laamdo: Kanko woni cifariido sifaaji manngu e foolde e yiilde,
jeydo denndaangal gede O firlitoo e majje no O haajaraa.

Nanoowo: Nanoowo nanateede birniide e de mbirnaaki.

Kisdo: Kisdo e kala ustaare e ayiiiba.

Ji*owo: Kanko woni mbo jiide Makko piiiti kala huunde nonde
foti toksidde fof, jom ndaarde kumpatiido yellatiido e ko wirnii
e majje.

Defiido: Defiido arsukaaji jiyaabe Makko, dariido e maslahaaji
mum en, pawiido gede yidbe Makko, O newnanabe O
yonnabe piiji mum en.

Takdo: Goodindo gede ko aldah e yeru gadiido.

Newiido: Oon teddinoowo jiyaabe Makko O yurmoobe O
rokkabe kobe torii ko.

Jondo: Jondo jiyaabe Makko o tottabe kobe katojini, Hombo
yondanii e ballal goddo goo.

Jaafatoodo bakkatuji: Deenoowo jiyaabe Mum e bakkatuji,
O leptiraae diin.

Juuldo na mijo e tagu Alla e newuya Makko, ina e duum,
toppitaade tagaade tokson majje e rerdude e nyamminde di e
toppitaade di hadi mbaawa jogade koye majji, senaade
woodanii Tagdo, ina e newaare Makko nde O heblanidî ko
feewnata alhaali majji wondude kodî lo*i ko fof.

Annabijjo on mo jam e kisiyee woni e mun on maaki:

Alla daali: Ko goongo arii e mon Nulaado ummiido e mon,
teddudo on tampaani ndeerdudo e mon newaniido juulbe
jurmotoodo be. Attawba128.

Alla daali: Min nuliraani ma si wonah yurmeende wonande
winndere nde. Al Anbiyaa 107.

Muhamadu - yo kisal won e makko- ko yurmeende
rokkiraande.

Ko kanko woni Muhamadu biy Abdullaay timmoede
Annabaabe e Nulaabe, Alla neldii mbo diine islaam faade e
yimbe, ngam O tinndinabe faade e ko laba, ko buri heen
labeede woni Tawhiid, O hadabe ko boni buri mawnude e
bone ko sirku.

Na waddii doftaade mbo ko o yamiri e goondinde ko o habri, e
deestaade ko o hadi e ko furii, e nde Alla waasata rewireede
si wonah ko sariyini ko.

Nulal makko e nulal denndaangal Annabaabe adiibe ko
noddude faade e Alla gooto Bajjo O, Mbo alah denndadijio.

Ina jeyaa e sifaaji makko- yo o his-:

Goondude, yurmeende, newaare, munyal, jaambraagal,
teddungal, labeede jikku, nuundal, yankinaade e yaafaade.

Quraana teddudo o ko haala Joomiraawo.

Alla daali: Eehey mon yimbe arii e mon daliil ummaade e
Joomi mon, Min tellinii faade e mon annoore banngunde.
Annisaa 174.

Quraana teddudo o ko haala Alla toowdo O, O tellanii mbo e
Muhamadu- yo o his- ngam o yaltina yimbe e nibe faade e
annoore, o feewnabe e laawol pooccingol.

Kala janngudo mbo heba njobdi mawndi, kala gollordo peewal
mammbo naata e laawol pooccingol.

Mbela ana anndi doosde islaam?

Be maaki kadi: « Lislaamu on mahiraama doose jowi: Ko sedagol rewteedo tanaa Allaahu alaa, e wonnde Muhammadu ko nulaado Alla, e nyiib-nugol julde nden, e tottugol asakal ngal, e hajjoygol ka suudu [hoormanteeru], e hoorugol suumayee ».

Doosde islaam ko dewe Alla baddiide e kala juuldo, islaam juuldo sellatah si wonah o fiba waddaade de o goolirade kanje fof, sabu ko e majje islaam fawii, ko dum saabii de innira doosde islaam.

Jookli dii ngoni :

Doosgal gadanal: Seedaade deweteedo alah si wonah Alla e wonde Muhamadu ko Nulaado Alla.

Alla daali: Anndu pellet wonde alah deweteedo mbo wonah Alla. Muhamadu 19.

Alla daali: Ko goongo arii e mon Nulaado ummiido e mon, teddudo on tampaani ndeerdudo e mon newaniido juulbe jurmotoodo be. Attawba128.

Woni maana deweteedo alah si wonah Alla: Alah deweteedo
e goonga si wonah Alla.

Na waddii doftaade mbo ko o yamiri e goondinde ko o habri, e
deestaade ko o hadi e ko furii, e nde Alla waasata rewreede si
wonah ko sariyini ko.

Doosgal dimmal ngal woni: Darnude juulde.

Alla daali: Ndarnee juulde. Al Baqara 110.

Darnude juulde woni tottirde nde e mbaadi ndi Alla sariyini
Nulaado Muhamadu- yo o his- anndini dum.

Doosgal tatabal woni: Tottirde askal.

Alla daali: Tottiree askal. Al Baqara 110.

Alla farlii askal ngam jaribaade goondude iimaan juuldo, e
yettude Joomiiko ko O okki mbo ko neema jawdi, e wallude
mbo waasbe e hatajinbe.

Tottirde askal wonata ko tottirde ngal haandube heen be.

Askal ko hakke badfiiido e jawdi sindi yottiima fotde
toddaande, hongal totte nooneeji jeetati jantaadi e quraana
teddudo o, ina e mabbe baasdo e miskiin.

Ina e tottirde dum sifaraade yurmeende e newuya, e labbinde
jikkuuji juuldo e jawdi mum, e welnude pittaali waasbe e
miskineebi, e semmbinde boggi gilli e musidal hakkunde
renndo juulbe, ko dum wafi juuldo labaado yaltinat dum e
mbelamma fitaandu hombo welaa e tottirde dum, sabu ko
dum malnata ko yimbe wobbe.

Fotde ko yaltinete e askal ko didi e nder teemedere ummaade
e jawdi moftaandi hono kannge e kaalis e dereeji ceede e
marsandiisuuji keblaadi ngam yeeyde e sootde sabu
njulaagu, tawde kay qiima mum yottiima fotde todhaande
tawa ndi hebii e joom mum hitaande timmunde.

Ko noon kadi askal na fawii e kebdo limoore tofdaande e
jawdi ndariindi hono geloodi e na*i e ndammiri hono baali e
be*i durooji hudo ko buri heewde e hitaande ko aldaah de joom
mum wuurnata dum.

Ko hono noon kadi askal na fawii ko yalti e leydi hono gabbe
e besnaade e oogirde e ngaluuji ubbiidi sidi njottiima e fotde
tobddaaande.

Doosgal nayabal: Woni hoorde lewru koorko.

Alla daali: Eehey mon goondinbe koorko farlaama e mon
hono no ka farlirano e adiibe mon ngam kulon Alla. Al Baqara
110.

lewru koorko woni: Lewru jeenabiiru e hitaande e kalanndiriye
fergo, kondu teddinaandu e juulbe, hondu jogii daraja keeriido
gaa e lebbi hitaande godsi di, hoorde ndu ha ndu timma ko
gootel e doosde islaam joy de jeya.

Hoorde ramadaan woni: Rewirde Alla jaggitaade gaa e
ñaamde,yarde e renndude debba e gorko e mbalndi,e kala
bonnooji koorko gila fajiri haa mutal naange nder ñaldí lewru
koorko ndu fof.

Doosgal joyabal: Hajjude to suudu Alla hormaandu ndu.

Alla daali: Woodanii Alla e dow yimbe hee hajjude to suudu
ndu wonande kattando laawol faade e hendu. Aali Imraan 97.

Hajju wonata ko e dow oon kattando faade e suudu Alla ndu
laawol gootol,hajju ko laawol gootol nder nguurndam,duum
woni:Faandaade suudu Alla ndu e dewirde ceniide to Makka
ngam tottorde dewe Alla tofdaade,Nulaado-yo o his- hajji
Annabaabe wobbe be kadi kajjii,Alla yamiri Ibraahiima nde o
noddato yimbe e hajju,hono no Alla habriri duum e Quraana
teddudo ,O daali: Noddu yimbe be faade e hajju be ngara
hobe cuudo e dow kala dehiidi be ngara ummorde e laabi
goddfudi. Al Hajju 27.

Anndude doosde islaam.

Nulaado yo jam e kisa won e mum na naamnaama iimaan O maaki: Konde goondinta Alla, e Malaykaaji Makko e defte Makko e Nulaabe Makko nyalawma cakkatiido, goondina hoddiro labaango e bonngo.

Doosde iimaan ngoni dewe Alla berndiyankoje pawiide e dow kala juuldo, islaam aade sellatah si wonah o fiba deen e bernde makko, ko duum saabii de innira doosde iimaan. Seerndi doosde iimaan e islaam: Doosde islaam ko golle banngude de aade gollirta terde mum hono wowlude seedeeji didi di e juulde e asakal, Doosde iimaan noon ko golle bende aade na tottira dum bernde hono goondinde Alla e Defte Makko e Nulaabe Makko.

Ko faama e iimaan e maana mum:duum woni goondingol Alla e bernde goondingol pellitngol,e malaykaaji makk,e defte makko e nulaabde makko e ñalnde sakkaatiinde,e hoddira ko moyfi heen e ko boni heen,e rewde kala ko Nelaada addi ko,yo jam e kisa won e mum, e gollude dum konngol e demngal,hono wiide deweteedo alah si wonah Alla,e janngude quraana,e subahinaade e innude Alla,e mantude Alla.

E gollirde terde banngude: Hono juulde, e hajju, e koorko... e terde birniide jowitiide e bernde, hono yidde e hulde Alla, e wakkilaade e Alla e labbinande Mbo golle.

Heerorbe ganndal na nganndanira duum ko: Fibde e bernde, e wowlirde demngal, e gollirde terde, na beydiro dotaade na ustoro goopol.

Doosgal gadanal : Goondinde Alla.

Alla daali: Pellet woni goondinbe Ko been gomdimbe Alla.
Annuur 62.

Goondinde na dabba bajinde Mbo e Alliyankeewal, e Wonde
mbo gooto deweteedo, e Inde e Sifaaji Makko, duum na
soomi ko arata ko:

Goondinde woodeede Alla ceniide toowdo O.

Goondinde wonde ko Kanko woni joomraado, ko Kanko jeyi
kala huunde, O taginde, O arsaqini e wonde toppatiido duum
fof.

Goondinde wonde ko Alla tan haani reweede, O alah
denndadiijo e hay huunde e duum, hono juulde, e du*aa*u, e
takkude,e hirsude, e wallikinaade, e moolaade, e
denndaangal dewe godde de.

Goondinde Inde lobbe e Sifaaji Makko toowdi di O tabitani
Hoore Makko, te kadi Nelaado Makko - yo o his- tabitani Mbo
duum, e ko O riiwtani Hoore Makko e Inde e Sifaaji wolla
Nelaado riiwtani Mbo duum, e wonde Inde e Sifaaji Makko
njottiima do timmal e labeede mbaawi haadde, O alah
yerodijjo, ko Kanko woni nanoowo ji*oowo.

Doosgal dimmal: Goondinde Malaykaaji.

Alla daali: Jettooje ngoodanii tagdo kammuji e leydi, baddo
malaykaaji nelaabe joman en bibje dimmitaade e tati tati e
naybitaade, Hombo beyda e tagu ko O faala, pellet Alla ko
kattando kala huunde. Faadiri.

En goondinat wonde malaykaaji ko winndere wirniinde, kobe
jeyaabe Alla tagribe ko annoore, O wdi be doftiibe
hoykananiibe Alla.

Kobe tagu teddudo ko Alla tan fiiltato cemmbe e limoore mum
en, gooto e mum en fof na jogii sifaaji e inde de Alla
heerinibe, ina e mabbe Jibril yo jam kisal won e makko, oon
woni bakkilaado wahyo tellatoodo ummorde e Alla faade e
Nelaabe Makko.

Doosgal tatabal: Goondinde defte de.

Alla daali: Mbiyee min goondinii Alla e ko tellinaa e amen e ko tellinaa e Ibraahiima e Ismaa*iil e Ishaqa e yaaquuba e Asbaadi e ko Muusa tottaa ko e lisa e ko Annabaabe tottaa ko ummorde ka Joomi mum en, min ceerndatah hakkunde gooto e mum en, e min njebbilanii Mbo. Al Baqara 136.

Goondingol pellitngol wonde denndaangal defte kammuyankooje ko haala Alla.

Ko ka Alla de ummorii faade e jiyaabe makko e goongo laabdo.

Alla ceniido O nelde Mbo annabi men Muhamadu -yo o his-faade e aade en fdof, momtii denndaangal sariyaaji gadiid, O wadi Quraana na hiiIndii e denndaangal defte kammuyankooje kombo ittudo de, Alla defiima reende Quraana e wayleede maa wosteede, Alla daali: Ko Minen tellini Quraana ko Minen reenata mbo. Al Hijri 9. Sabu ko Quraana teddudo o woni deftere Alla sakkatiinde faade e yimbe, Annabi men Muhamadu woni cakkatiido e Nelaabe, diine islaam woni mbo Alla welanaa yimbe haa darngo, Alla daali: Tigi tigi woni diine ko Islaam Aali Imraan 19.

Defte kammuyankooje de Alla jantii e deftere Makko hee ngoroni:

Quraana teddudo: Alla tellinii nde e Muhammadu-yo o his-f

Tawreeta: Alla tellinii nde e Annabi Muusa-yo o his-f

Tawreeta: Alla tellinii nde e Annabi lisa-yo o his-f

Tawreeta: Alla tellinii nde e Annabi Daawuud-yo o his-f

deri Ibraahiima: Alla tellinii nde e Annabi Ibraahiima -yo o his-f

Doosgal nayabal :Goondinde Nelaabe.

Alla daali: ko goongo min nelii e kala mofte nelaado, ndewe
Alla deenadon bewnooji. Annahli 36.

Goondinde goondingol pellitngol wonde Alla nelii Nelaabe e
kala dental hombo noddabe yo be ndew Alla tan Mbo alah
denndadiijo, e yeddude kala ko rewete ko wonah Alla toowdo
O.

E wonde kambe fof kobe bannduyankoobe, jiyaee be
Alla,kobe goondube goondinaabe,hulbe Alla,hoolaabe,feewbe
feewnaabe,Alla cemminiriibe kaawisaaji tinndinooji
goondude be,be njottinii dennaangal kobe nelanoo ko,pellet
kambe fof ko e goongo laabdo be ngonno,e peewal
banngungal.

Noddaandu ndu mabbe fof gila arwannde haa sakket asli
mum ko gootum, oon woni wootadinde Alla teddudo O to
bannge rewde Mbo e waasde renndinde Mbo e goddo.

Doosgal joyabal: Goondinde ñalngu cakkatiingu.

Alla daali: Alla alah dewetedeo si wonah Kanko ma O renndin
mon faade ñande darmgo sikke alah e hembo alah burdo Alla
goondude yeewtere. Annisaai.

Goondingol tigi kala ko yowitzii e ñalngu cakkitiingu ngu,ko Alla
habri men ko heen e deftere Makko teddunde nde e ko
Annabi Makko Muhamadu habri men- yo o his- hono maayde
aade e ummital e saakaade e tefoore e peesirde e
haasboore,e aljanna e yiite,e ko wonah dñum e gede jowotiide
e nguu nyalngu.

Doosgal jeegabal: Goondinde hoddira ko labaa heen e ko
boni heen fof.

Alla daali: {Menen Men tagirii kala huunde e koddoruyee} Al
Qamar:(49).

Fibde wonde kala ko yani e tagaado e aduna duum woni ko e ganndal Alla,duum ko e ganndal Alla e kattane Makko e jilgol Makko kanko gooto mbo alah denndadijo,dii hoddiraaji fof ko binndaadí ko adii de neddo o tagatee nde,neddo na jogii muuyaande,ko kanko wadata golle makko e jaati,kono dum yaltatah ganndal Alla e muuyaande Makko.

Goondinde hoddira na darii e martabuuji nay:

Aranere : Goondinde ganndal Alla kubtadinngal.

dimmere: Goondinde Alla winndii kala ko woni e ko wonata haa darng.

Tatabel: Goondinde haajaande Alla wonoore e kattande Makko timmude, ko O haaja wona ko O haajaaka wonatah.

Nayabel: Goondinde ko Alla tagi kala huunde te O renndaani e hay gooto e tagu Makko he.

Mbeda jannga sallige.

Alla daali: Pellet Alla na yidi tuuboobe Hombo yidi labbintoobe. Al Baqara 22.

Be maaki kadi: Calliga hono sallige Am o.

Ina jeya e teddungal juulde sariyaneede laabal ko adii juulde, Alla wadi dum sardi sellude juulde, ko laabal woni coktirgal juulde, tintinaade bural mum na wada bernde na yeewee juulde. Be maaki kadi: Laabal ko feccere iimaan, juulde ko annoore.

Be maaki kadi: Kala calliginiido o yoodni sallige, goopi makko njaltat e banndu makko.

Jiyaado huccitat e Joomiiko tawa hombo laabiri laabal sallige co*etengal, e laabal maana, ngaal woni tottirde juulde ngam Alla tan, e ñemmbude tinndinooje Annabi- yo o his-

Ko waddinta sallige

Juulde wellet foti ko farilla wolla naafila.

Wanngaade suudu kaaba.

Memde kaamiil.

Mbeda salligo mi lootoro ndiyam laabdfam.

Ndiyam keelalam woni: tellidam e kammu wolla buldfam
ummaade e leydi tawa na heddi e asli no tagrano nih, tawa
gootel e sifaaji mum waylaraaki, dñin ngoni: Mbaadi, dakamme
e balangol: Huunde e gede ittatde laabal ndiyam.

Mbeda jannga sallige.

Taab1: Anniyaade woni nokku mum ko bernde, woni maana
anniya ko fellitde bernde gollude dewal Alla ngam badaade
Alla Toowdo O:

Taab2: Lootde kaffeeje ma dide.

Taab3: Wufyaade.

Wufyaade woni: naatnude ndiyam e hunduko e yiilde ðam e
heko, refti yaltinde ðam.

Taab4: Nayabal: woni sorbindaade.

Sorbindaade: Woni foodirde ndiyam foofaango faade to buri
wodfude e hinere.

Fiestaade ndiyam: duum woni yaltinde ko woni e hinere hono
piipe e ko wonah duum.

Taab5: woni lootde yeeso.

Keerol yeesa:

Yeeso: Kodo huccandirte wonata.

Njaajeendi mum konofru haa nofru.

Njuuteendi mum ko: kodo fudirde sukundu fuddori haa to
gande kaadi.

Lootde yeesa na soomi kala sukundu hoyndu, e ko woni
hedde ndaneeri les nofru e sukundu wonndu sawndiindu
wuddere nofru.

Bayaad :woni ko woni hakkunde sukundu sara wuddere nofru
e ndaneeri les nofru.

Woni ajaar ko: ko sukundu wonndu e yi*al darlingal
cawndingal wuddere nofru faande nder hoore, e ko telli faade
e dadol nofru.

Ko noon kadi lootde yeeso na soomi kala ko banngi e
sukundu wahre tekkundu e yuurtiindu e wahre.

Taabul 6: Lootde juude gila ko*e pedeeli juude haa e
mirfaqeeje.

Mirfaqeeje na naati e lootngal juude parlangal.

Taabul 7: Woni moomirde hoore juude dide wondude e noppi
laawol gootol.

O fuddoroo ngardiin hoore o nawade haa e hoyydu refti o
rutta de.

O naatna joopordu mum ndu e noppi makko he.

O lutandira pedeeli makko gori ko banngi e noppi makko, o
mooma ko wirnii e ko wirnaaki e noppi mum he.

Taabul 8: Lootde koyde dide gila pedeeli koyde haa e
kaabeeje, kaabeeje noon na naati e lootngal parlangal e nder
sallige.

Kaabbeeje ngoni: yi*e dide jaltude les korlal.

Sallige na bonira piiji garooji di:

Ko yaltiri e jaltirde dide hono coofe e yaade dow wuro e
woppude henndu e maniyu e majiyu.

Iwrude hakkille foti ko doyngol wollo ko libraade maa sikrude
wollo kaadi.

Kala ko waddinta lootngal hono janaaba, e fiilayru e besngu.

Si neddo humtii haaju mum, na waddii mbo ittirde sobe
ndiyam ko duum buri moyfude, wollo ko wonah ndiyam ko ina
itta sode hono kaaye e dereeji wollo bagi e ko nanndi heen,
duum yo won momtande tati labbinatde wollo ko buri, e kala
kono labbina tawo na dagii.

Moomde e kuffuuje e kawaseeje.

E alhaali boornaade kuffuuje e kawaseeje na newo moomde e
dow hede ko aldah e haajorde e lootde koyde, e sardeeji:

Nde boornagol de wonata caggal laabal timmungal ummaade
tayre tokosere e mawnde, tawa koyde na lootono heen.

Ndedefe ngonata laabde de cobaani.

Nde moomgol ngol wonata e yonto dottaado.

Ndedefe ngonata dagiide, sellatah guijaade wollo teetaade.

Kuffeeje ngori: Ko boornate e koyngal foti ko nguru koydo
maa ko yero mum hono pade boorneteede tawde hode cuura
pele.

Kawaseeje woni ko boornete e koyde foti ko bagi e ko wayi
noon.

Ko woni sirru sariyaneede moomde e kuffuuje:

Siirru moomgol e kuffeeje woni newaare e hoybinanande
juulbe be boortude kuffu e kawas na satti e mum en e lootde

koyde, haa teenti e yonto dabbunde e buubol cattungol e
saango datngal.

Mudda moomgol.

Nyiibdo ko ñallal e jemma-24waqtu)

datniido ko balde tati e jemmaaji majje -72 waqtu-.

Hiisaade dumunno o na fuddo e arwande moomgol e kuffu
wollo kawase caggal tayreede.

Mbaadi moomgol e kuffeeje e kawaseeje.

Leppinde juude.

Ndewna junngo ma e dow fela(tawa ko e cebe pedeeli faade
korla).

Pela ñaama moomrate ko junngo ñaama, nanal ngal ngal
moomre junngo nana.

Bonnooji moomgol:

1- Ko waddinta lootngal.

2 Gasde yonto dummuna moomgol.

Lootngal janaaba.

Si debbo e gorko ndenndii leeso, wolla maniyu tellii
ummaade e mum en e mbaadi tuuyo foti ko doyngol wollo ko
e pingol, waddii mobe lootaade haa be mbaawa tottirde juulde
wollo kala ko laabal waddinta, ko hono noon kadi si debbo
laabi e fiilayru wolla besngu na waddiibe lootaade ko adii nde
newanatoobe juude wolla kala ko laabal waddinta.

Sifa lootngal ko hono ko arata ko:

Nde juldo hubtadinta banndu mum fof ndiyam no waawi
waade fof, ina heen wufyaade e sorbinaade, si o hubtadinii

banndu mum ndiyam tarye mawnde nde bamtoo e makko,
laabal mum timma.

Na hada nde gondudo e janaaba gollude ko arata ko haa o
looto:
Juulde.

Wanngaade suudu kaaba.

Duumaade e misiide, kono na dagi lummbude mbo ko aldah e
ñiibde.

Memde kaamiil.

Janngude quraana.

Taamamuya.

Si juuldo hebaani ndiyam dam o labbanirii wollo o waawah
huutoraade ndiyam sabu ñaw wollo ko wa*i noon, o huli
waqtu yawtude, o taamorto leydi.

Woni sifa duum kode o fiyrata juude makko leydi fiyannde
wootere, o moomrade yeeso mum e kaffeeje mum, na sarda
nde leydi ndi wonata laabndi.

Taamamuya na bonira piiji garooji di:

Taamamuya na bonira ko salliga bonirta ko.

Si ndiyam dañaama ko adii fuddaade dewal caabingal o taami
ngal .

Mbeda jannga juulde.

Alla farlii e juuldo nder ñallal e jemma juuldeele joy deen
ngoni: Juulde fajiri e tiisbaar e takkusaan e furura e geeyé.

Mbeda hebanoo juulde.

Si waktu juulde yoni juuldo laaba e tayre toksere e mawnde,tawde o wonii tayraado toksere wolla mawnde.

Tayre mawnde woni: ko waddinta juuldo lootaade lootngal janaaba.

Tayre toksere woni: ko waddinta juuldo salligaade.

Juuldo juuldat ko comci laabdi e nokku laabdo gaa e sobeeji, o suura awra makko.

Juuldo sudorto comci kaandudi e juulde o suuriradi banndu makko, daganaaki gorko e juulde nde o hollirta ko woni hakkunde koppi e wuddu.

Na fawii e debbo nde o suurata denndaangal banndu makko saanga juulde si wonah yeeso e newe juude makko.

Juuldo haalatah e juulde si wonah konngudi keerariidi juulde,o jentoto imaam o,o yeccittaako e juulde he,si ronki wowlude konngudi keerariidi juulde, yo o janta Alla o subihino haa juulde nde gasa,na fawi e dow makko janngude juulde e juuldufi.

Mbeda jannga juulde.

Taabul 1: Anniyanaade farilla mbo faalaami tottirde o, woni nokku anniya ko bernde.

Caggal salligaade mi huuccita funnaange, mi juula mbida darii tawi mbeda hattani diuum.

Taabul 2: Mi bamtat juude am haa de tolnoo e balabe mi wiya: (Allaahu akbar) wondude e anniya naatde e juulde.

Taabul 3: Mi jannga du*a uuditirde juulde hono no joliri nih, ina heen wiide: Subhaanaka Allaahuma wa bihamdika, wa tabaaraka ismuka wa ta*aala jadduka, wa laa ilaaha gayruka.

Taabul 4: Moolaade e Alla e bone seytanee diddado e yurmeende Alla, mi wi*a: Mbedo molo e Alla bone seytanee diddado e yurmeende o.

Taabul joy: Mi jannga faatiha e kala darnde duum woni: En fuddorii Innde Alla, Huubudo yurmeende, Heerordo yurmeende. Yettoore woodanii Alla, Jeydo Winndere nden. Huubudo yurmeende, heertordo yurmeende. 3. Jeydo ñalngu njobdi. Ko Aan min ndewata ko Aann min mballakinto. Feewnu amen e laawol poocingol. Laawol ngol be neeminda e dow mum en be ngonah tikkanaabe be ngonah majjube.

Mi jannga caggal faatih ko newii e quraana e darnde aranere e dimmere tan e kala juulde, dum wonah ko waddii, kono wadde dum ko baraa je mawde.

Taabul 6: Mi wiya: Allaahu Akbar, refti mi wada rukuu haa keeci am fotondira, juude am ngona e koppi am, mi seernda pedeeli, refti mi wiya e rukuu he: Subhaana Rabbiyal Ajim.

Taabul 7: mi bamtoo e rukuu mi wiya: (Alla nani jettudo Mbo).

Taabul 8: Mi wiya Allahu akbar. Mi sujja e dow juude e koppi e pele, e tiinde e hinere, mi wiya: (senaare woodanii joomiraado toowdo).

Taabul 9: mi wiya (Allahu akbar) mi bamto e sujuud haa mi foto poocciido keeci joodiido e fela nana he, mi darna fela ñaama ngo, mi wiya: Joom Am yaafu mi.

Taabul 10: Mi wiya (Allaahu akbar) mi sujja laawo godngol hono sujuud ngadana o.

Taabul 11: mi bamta hooram biido : (Allaahu akbar) mi foocco mi daro, mi wadra ko heddi ko e juulde no mbadrumi darnde aranere nde nih.

Caggal darnde dimmere e juulde tiisbaar e takkusaan e futura e ggeye, mi joodo ngam janngude tasahhudu gadana o :

Koofnaali e juuldeele e laabdi ngoodanii Alla, yo kisal won e Ma aan annabijja e yurmeende Alla e barke Makko, yo kisal won e amen e jiyaabe moyfube be, mina seedoo wonde Alla mbo wonah Alla O alah, mina seedo wonde muhamadu ko maccudo Makko e nelao Makko. Refti mi ummono darnde tatabere nde caggal duum.

Caggal darnde sakkatiinde nde e kala juulde mi joodo ngam janngude tasahhudu cakkatiido o, hono nih: Koofnaali e juuldeele e laabdi ngoodanii Alla, yo kisal won e ma aan annabi e yurmeende e barke Alla, yo kisal won e amen e jiyaabe Alla mjoyfube be, mbedo seedoo Alla ko Alla O tan, mbedo seedo wonde muhamadu ko maccudo e nelao Makko Yo Alla juul e muhamadu e yimbe galle muhamadu, hono no O juulirno e Ibraahiima e yimbe galle Ibraahiima, Aan ko A jetteteedo Teddudo, Alla barkin e muhamadu e yimbe galle muhamadu, hono no mbarkaninda Ibraahiima e yimbe galle Ibraahiima, Aan ko A jetteteedo teddudo.

Taabul 12: Caggal duum mi silmina e ñaamo am, mi wiya: (Assalaamu aleykum wa rahmattullaahi) mi silmina e nana am mi wiya: (Assalaamu aleykum wa rahmattullaahi wa barakaatuhuu.) tawa mbeda annayii yaltude e juulde, nih wona mi gasnii juulde.

Muurungal debbo juuldo.

Alla daali: Eehey Ma Annabi maakan suddiibe ma e jiwbe e suddiibe juulbe yobe njurtin e dow mum en jilbaabuuji mum en ko duum buri badaade ndebe nganndate be mbaasa looreede Alla woniina seerani wonde ko momtoowo bakkatuuji jurmotoodo. Al Ahjaab 59.

Alla yamarii debbo juuldo nde o boornoto hijaab o suura banndu makko gaa e worbe tumurankoobe, e comci gaadaraadi e leydi makko, dagaaki nde o boorata hijaab makko si wonah e yeesa jom galle makko wolla harmube e

makko, be dagataaka nde debba juuldo resetee e mabbe e mbaadi nduumiindi, been ngoni: Baaba haysi toowi, biddo hay si leesdbi, baabiraabe sawndiibe e kaawiraaebe, musiddo gorko e biy musiddo, e biy banndiraado debbo, e moodi yumma, e baaba jom galle debba o haysi toowi, e biy jom galle haysi leesdi, e musiddo to bannge muynam e jom galle debba muyninoowo o, ina harma e muynam ko harmata ko e aska.

Debba juuldo na ayna e comci makko tonngi limtindi.

Gadanel: Huubtadinde denndaangal banndu.

didi : Tawa debbo o boornortaako di ngam cudaari.

Tati: Nde dum waasata serwude haa yaltina banndu.

Nay: Nde dum wonata ko yaaji, waasa faadde sifo huunde e banndu.

Joy: Nde waasata wonde ko wisaa lati.

Jeegom: Nde waasata nanndude e comci worbe.

Jeedidi: Nde waasata nanndude e comci be ngonah juulbe e dewe mum en e juuldeele mabbe.

Ina jeyaa e sifaaji juulbe:

Alla daali: Pellet juulbe ngoni be si Alla jantaama berde mabbe kula si aayeeje Alla janngaama e mum en de beydabe iimaan te ko e Joom mabbe be pawatoo. Al Anfaal 2.

Goondudo e yeewtere makko o fenatah.

Hombo huubna aadi e podooje.

O wonatah saaysaay saanga duko.

Homb tottira hoolaare.

Hombo yidana siddo makko juuldo ko yidani hoore makko.

Teddudo.

Moyyā e yimbe.

Hombo jokko endam.

O wele ko Alla hoddirani mbo saanga yaajeende o muña
saanga lora.

Hombo sifaroo heewde gacce.

Hombo yurmoo tagu ngu.

bernde makko no hisi e cokoraagal, terde makko no kisi e
jaggitde goddo.

Hombo yaafoo yimbe.

O ūaamatah riba o gollirtah riba.

O jinatah.

O yaratah sanngara.

Hombo mjoyina koddigal e hoddiibe makko.

O tooñatah o hodotaako.

O wujjatah o fuuntatah.

O wona diggando jiknaabe makko, hay sibe ngonah juulbe, o
doftoobe ko dagii.

O neha bibbe makko e bural, o yamirabe ko sariya fawi ko , o
hadabe ko jaasi e ko harmi.

O waasa nanndinaade e golle be ngonah juulbe ko faati e
kobe keerori, wolla aadaaji mum en dībe kebtanirete e
maandeeji mabbe.

Malal am e diine ko islaam.

Alla daali: kala golludo ko moyfí foti ko gorko wollo debbo te
hombo goomdini, ma Min nguurnu mbo nguurndam mbeldam
Min yobabe njobdi mabbe burndi moyfude kobe golluno.
Annahli 97.

Ina jeyaa ko naatnata weltaare e malal e yaajde bernde
wonande juuldo ko jokkondirde e Joomiiko ko aldah e heedo
foti ko w提醒 werbe wollo ko maaybe wollo ko heedo sanamuujji,
Alla Toowdo O jantiima e deftere Makko teddunde nde wonde
ko O badiido jiyaabe Makko be haa pooma, Hombo nanabe
Hombo jaaboo torogol mum en, Alla daali: Si jiyaabe Am
naamniimo Mi maaku pellet komi badiido Mbedo nootoo
noddaandu noddoowo si o noddii kam yobe nooto Mi yobe
goondinam ngam be peewa. Al Baqara 186. Alla ceniido O
yamarii men nde ñaagotoden Mbo, O waði ðum ko huunde
burnde teddude e dewe de juuldo valloroto Joomiiko, Alla
Maawdo O daali: Joomi mon daali noddee Kam, Mi nootoo
mon. Gaafir 6O. Juuldo moyfó hatajinat e Joomiiko cay, o
duumjoto toraade e yeeso Joomiiko, o balliroo Mbo dewe Alla
lobbe.

Alla woodnii men e nde winndere ngam ñeenyal manngal,O
tagraani en fijirde,O tagiri en ko yo en ndew Mbo kanko
tan,mbo nannadiijo alah,O sariyani en diine Alliyanke
kuubtadindo,hombo yubbina denndaangal fiyakuuji
nguurndam keeriidi e denndaandi,mbo reeniri o sariya gede
alah e sagoyankooje wonanade nguurndam deen ngoni: Diine
Pittaali,Guri,Hakkillaaji e Jawde men,kala guurdo hombo rewi
jamirooje sariya o reentii karmude,o reenii dee gede baddiide
ngam nguurndam o w提醒 ura malaado deeydo bernde e
guurndam makko ko aldah e sikke

jotondiral juuldo e Joomiiko na luggidi na adda deeyre bernde
e fooftere fittaandu,e tinde deeyre e hoolaare e w提示taade,e
tinde gondigal e Joomiraawo,e toppitaade Mbo e reende
jiyaado Makko goondindo Alla daali: Alla woni keedo been

goondinbe, O yaltinabe e nibe faade e annoore. Al Baqara
257.

Ngal jotondiral teddungal ko goodal ngal bernde so*ata, na
nawa faade e neemaraade dewal Alla, e yidde hawrude e
Makko, e weeyrude bernde mum e kammu malal ngam tinde
mbo welamme iimaan.

Oon wela wela waawataa mbo sifaade si wonah oon
meedirdo dakamme makko gollude doftaade e reentaade
bondi, ko duum saabii Annabi- yo o his na maaka: meedii
dakamme iimaan wonande oon belaado Alla Joomiraado, o
welaa islaam diine makko, e Muhammadu Nelaado.

Si neddo tiidniima taweede mbo yeesa Joomiiko tawegol
duumingol, o anndiri Mbo inde e sifaaji makko lobbi, o rewa
Mbo elle hombo yi*a Mbo, o labbina dewal ngal ngam Alla,
tawa o muuyaani heen si wonah Alla teddudo O, ma o w提醒
nguurndam mbeldam aduna e laakara, battane makko moyfa.

Hay musibbaaji janooji e juuldo e aduna, nguleeki majji na
iwra yananeede e weleede hoddira Alla toowdo O, e yettude
Mbo e hoddireooji Makko fof, foti ko bondi wolla ko moyfi, e
wleede weluya timmudo diin hoddiraaji.

Ina jeyaa ko juuldo foti reerdude ngam malal makko beydoo
bernde mum deeyfa, ko hebbinde jantaade Alla toowdo O? e
janngude Quraana teddudo o, hono no Alla daaldi : bee
goondinbe berde mabbe deeyirii jantaade Alla ko e jantaade
Alla de berde ndeeyfrata e jantaade Alla. Arraad 28. Kala nde
juuldo beydii jantaade Alla e janngude quraana,o beydoto
jokkaade e Alla toowdo O,fittaandu makko laaba iimaan mum
semmbina.

Ko noon kadi na haanani juuldo nde o reerdata janngude
gede diine makko ummmorde iwigde cellud ngam o rewira Alla
ganndal, Nelaado- yo o his- maaki: dabbude ganndal ko farilla
e dow kala juuldo. Nde o wonata jebbaliido dowlifiido jamirooje

Alla tagdo mbo o, foti o anndii ñeeñal e duum wollo o anndah,
Alla Toowdo O daali: woodanaani juuldo gorko e juuldo debbo
si Alla e Nelaado ñaawii huunde ndebe kebata heen subaade
e fiyaaku mum en, kala goopdo Alla majji majjere woddfunde.

Al Ahjaab 36.

Yo Alla juul e Nulaado men Muhamadu e mbootu makko e
sahabaabe makko fof.

Timmi.

Fehris lelnaade.

Tonngodee.

lelngo.

Hello.

Ruttaanaade ngara.

Eggu ngam fahrисinde lelnaade de.

Renndin amen e humpita ma e deftere he.

Bismilla ma e juuraade nokku elktoroni he.

Deftere gollondirde e telefo jiilordo.

boddu ngam egga faade subject he.

boddu e natal he ngam nduttoda e ngara he.

Momti baarkuud o.

Hollirgo anndanirgol(Powerpoint)

Jencaade ebbaande.

Dftere muulaande

Deftere telefon jiilordo

Nokku elektoronik.

Hollirde power point.

Tummbitere heeriniinde telefonji samart.

Tonngaande nafoore ngam juuldo keso.

Hunorde

Alla woni joom am.

Annabiijo on mo jam e kisiyee woni e mun on maaki:

Quraana teddudo o ko haala Joomiraawo.

Mbela ana anndi doosde islaam?

Anndude doosde islaam.

Mbeda jannga sallige.

Moomde e kuffuuje e kawaseeje.

Lootngal janaaba.

Taamamuya.

Mbeda jannga juulde.

Muurungal debbo juuldo.

Malal am e diine ko islaam.